

四庫全書

史部

欽定四庫全書

史部

明集禮卷十一

詳校官監察御史<sub>臣</sub>劉芬

編修<sub>臣</sub>程嘉謨覆勘

總校官知縣<sub>臣</sub>楊懋珩

校對官中書<sub>臣</sub>孫球

謄錄監生<sub>臣</sub>馮光熙

欽定四庫全書

明集禮卷十一

吉禮十一

日月篇

總序

周禮大宗伯以實柴祀日月星辰玉人之事圭璧五寸以祀日月星辰禮記曰王宮祭日也夜明祭月也祭日於壇祭月於坎以別幽明以制上下考之古者祀日月

其禮有六郊特牲曰郊之祭大報天而主日配以月一也玉藻曰朝日於東門之外祭義曰祭日於東郊祭月於西郊二也大宗伯肆類於四郊兆日於東郊兆月於西郊三也月令孟春祈來年於天宗天宗日月之類四也覲禮拜日於東門之外反祀方明禮日於南門之外禮月於北門之外五也雪霜風雨之不時則禋日月六也說者謂因郊蜡而祀之者非正祀也類禋而祀之與覲諸侯而禮之者非常祀也惟春分朝之於東門之外

秋分夕之於西門之外者祀之正與常者也蓋天地至尊故用其始而祭以二至日月次天地春分陽氣方永秋分陰氣向長故祭以二分為得陰陽之義也若其次則大次小次設重帘重案其牲體則實柴其服則玄冕玄端其圭之繅藉則大采少采禮之之玉則一圭邸璧祀之之樂則奏黃鍾歌大呂舞雲門凡見於周禮者如此秦祭八神六曰月主七曰日主雍又有日月廟漢郊太乙朝日夕月改周法常以郊秦時質明出行宮東向

揖日西向揖月又於殿下東西拜日月宣帝於成山祠  
日萊山祠月魏明帝始朝日東郊夕月西郊唐以二分  
日朝日夕月於國城東西宋以春分朝日秋分夕月為大  
祀元於郊壇從祀祭日月其二分朝日夕月皇慶中議  
建立而不見施行國朝既於郊壇從祀日月又稽古者  
正祭之禮築壇於國城東西用春秋分朝日夕月且以  
星辰同祀於月壇焉可謂適禮之宜者矣若其歷代儀  
文之詳具于左方

# 壇制

祭法曰王宮祭日夜明祭月王宮壇名營域如宮日神尊故名壇曰王宮夜明祭月壇名月明於夜故謂其壇為夜明又曰祭日於壇祭月於坎以制上下祭日於東祭月於西以端其位此春秋分正祭日月特設壇兆於東西郊者也秦漢以來雖祭日月而壇制未聞後周以春分朝日於東門外為壇如其郊燔燎如圓丘秋分夕月於國西門外為壇於坎中方四丈深四尺燔燎如朝

日禮隋因周制唐日壇在春明門外一里半其制方廣四十尺高八尺月壇在開遠門外一里半其制為坎除三尺廣四丈為壇於坎中高一尺廣四丈宋熙寧中定朝日壇廣四丈夕月坎深三尺廣四丈壇高一尺廣二丈四方各為陞入坎中然後升壇兩壝每壝二十五步燎壇方八尺高一丈開上南出戶方三尺國朝築朝日壇於城東門外高八尺方廣四丈築夕月壇於城西門外高六尺方廣四丈俱兩壝每壝二十五步燎壇方八



尺高一丈開上南出戶方三尺

神位版

唐神位版用松栢木為之長二尺五寸闊一尺二寸跌高五寸朱漆金字宋同其制國朝以松栢為之長二尺五寸闊五寸跌高五寸朱漆金字

神席

唐以藁鞞為祭天與日月之席而加茵褥大明以青夜明以白宋去褥用藁秸

祝冊

唐朝日夕月祝詞曰嗣天子臣某敢昭告于大明惟神  
宣布太陽照臨下土動植咸賴隱幽無遺時惟仲春敬  
遵常禮謹以玉帛犧齊粢盛庶品祇祀于神尚享夕月  
祝詞曰嗣天子臣某敢昭薦于夜明惟神昭著懸象

闕

輝陰精頒歷授時仰觀取則爰茲仲秋用率恒禮謹以  
玉帛犧齊粢盛庶品恭祀于神尚享國朝洪武三年九  
月二十四日詹學士魏學士宋編脩同樂起居注將朝

日夕月星辰祝文三道於奉天門外金水橋上進奏欽  
奉聖旨教發與禮部太常司永為定式

朝日

惟神陽靈東升運行于天神光下燭無私無偏歲紀聿  
新昭天之德萬物具瞻黃道弗忒國有時祀古典式遵  
曦馭既格海宇咸春

夕月

惟神太陰所鍾承光於日配陽之德麗于穹碧維此秋

夕雲歛氣清仰瞻素輝神馭以升夜明有壇用伸報祭  
惟神鑒臨萬古不昧

星辰

惟神羅列周天耿耿其輝既瞻月馭衆象以微上之所  
躔下必有應爰遵古典用伸報稱季秋禮記設壇既崇  
神其歆格鑒此寸衷

祭器

唐朝日夕月並設大尊二著尊一犧尊二山罍二在壇

上象尊二壺尊山罍二在壇下籩豆各十簋簋登俎各  
一宋犧尊五象尊五為酌尊太尊二山尊二著尊二犧  
尊二象尊二壺尊六為設尊籩豆各十二簋簋俎各二  
國朝並設大尊二著尊二山罍二在壇上東南隅非面  
象尊二壺尊二山罍二在壇下籩豆各十簋簋各四

玉幣

春官典瑞玉人之事圭璧五寸以祀日月圭璧謂以璧  
為邸旁有一圭蓋祀天之玉以四圭有邸此為一圭者

殺於上帝也秦漢以後璧制未聞後周朝日以青圭有  
卽唐朝日夕月玉以圭卽其幣大明以青夜明以白宋  
日月圭璧大明以赤夜明以白國朝玉並用圭璧五寸  
幣大明用赤夜明星辰並用白

牲

周禮大宗伯實牛柴上以祀日月漢祭日以牛祭月以  
羊氣特謂若牛若羊若豕只一牲也唐朝日夕月大明  
用青犢一夜明用白犢一大歷以後減大明夜明用少

牢

祭法日月用少牢  
鄭云禱祈之祭也

宋朝日夕月各羊二豕二國朝大

明用赤犢夜明用白犢星辰用純色犢

### 酒齊

唐朝日夕月大尊實醴齊著尊實盎齊罍尊實清酒其  
玄酒各實於上尊宋依郊祀儀其設尊則太尊實泛齊  
山罍實醴齊盎齊犧尊實緹齊象尊實沉齊壺尊實三  
酒其酌尊則太尊酌尊實泛齊山尊犧尊實醴齊明水  
玄酒實上尊國朝太尊實醴齊著尊實盎齊山罍實清

酒其明水玄酒各實于上尊

棗盛

唐朝日夕月簋實以稷簠實以黍宋簋實以黍稷簠實以稻粱

邊豆之實

唐朝日夕月邊實以石鹽乾魚乾棗栗黃榛子仁菱仁  
芡仁鹿脯黑餅白餅豆實以韭菹醢醢菁菹鹿醢芹菹  
兔醢筍菹魚醢脾析菹豚拍宋邊實加糗餌粉飧豆實



加飩食糝食國朝邊實以石鹽乾魚乾棗栗黃榛子仁  
菱仁芡仁鹿脯白餅黑餅豆實以韭菹醯醢菁菹鹿醢  
芹菹兔醢筍菹魚醢脾析菹豚拍

### 樂舞

周禮大司樂奏黃鍾歌大品舞雲門以祀天神天神謂  
日月星辰也漢祀天歌十九章其一章曰日出入隋朝  
日夕月奏減夏詞各一首迎送神登歌樂詞與圓丘同  
唐初樂用黃鍾之均三成後改用天神之樂圜鍾之均

六成送迎神皆用熙和之曲宋皇帝入門作宜安之樂  
行事作景安之樂帝臨降康之舞六成奠玉幣初獻登  
歌作嘉安之樂奉俎作豐安之樂初獻畢文舞退武舞  
進作容安之樂亞終獻作隆安之樂神保錫羨之舞飲  
福作禧安之樂送神登歌作成安之樂


祭服

玉藻曰天子玄端朝日於東門之外端為冕字之誤也  
春官王摺大圭執鎮圭繅藉五采五就以朝日摺插也


謂插大圭長三尺玉笏於帶間手執鎮圭尺二寸纁藉  
五采五就者謂以五采就纁藉玉也纁者雜采之名一  
采為一帀五采則五帀一帀為一就就成也以木為幹  
用韋為衣而以五采畫之以薦玉也國語曰天子大采  
朝日少采夕月大采謂五采五就也少采謂夕月殺於  
日用三采也秦祀日月其祝宰之日赤月白漢以後服  
制未聞南齊何終之議禮天子朝日服宜有異頃代天  
子小朝會服絳紗袍通天金博山冠斯即今朝之服次

袞冕者也宜服此以拜日月庶得差降之宜後周天子  
及祀官俱青冕執事者升唐服玄冕其衣無章裳刺黼  
一章宋袞冕以祭國朝服袞冕

朝日壇圖



朝日壇



朝日陳設圖

明集禮卷十一 十二

菱  
芡  
鹿脯  
白餅  
黑餅

鹽  
橐魚  
棗  
栗  
榛

稷  
粱  
肉羹  
大羹  
牲  
燭

神位幣  
肉羹  
大羹  
牲  
香案  
爵站  
沙池

黍  
稻  
肉羹  
大羹  
牲  
燭

祝  
韭醢  
醢醢  
菁醢  
鹿醢  
芹醢

丸醢  
笋醢  
魚醢  
脾析  
豚拍

樂圖

搏拊  
搏拊  
歌工  
歌工  
歌工  
歌工  
歌工  
歌工  
歌工

協律郎

祝

琴琴琴琴琴瑟瑟

鐘

笛笛簫簫塤塤

和笙和笙簫簫鳳笙鳳笙

應鼓

協律郎

歌

瑟瑟琴琴琴琴琴

磬

塤塤簫簫和笙和笙

鳳笙鳳笙簫簫和笙和笙

搏拊  
搏拊  
歌工  
歌工  
歌工  
歌工  
歌工  
歌工  
歌工



引舞

舞十

生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武

引舞

生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文

引舞

舞十

生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武

引舞

生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文

朝日樂章

迎神

熙和之曲

吉日良辰祀典式陳純陽之精是為大明濯濯厥靈昭  
黃林姑黃應林南林南林姑太林黃姑黃姑黃太姑黃  
鑒我心以候以迎來格來歆

南姑林蕤姑黃太南林太黃

奠幣

保和之曲

靈旗泣止有赫其威一念潛通幽明弗違有幣在篚物

卷十一  
林黃太姑姑林南林南林姑太林姑南黃南黃南姑姑  
薄而微神兮安留尚其享之

蕤南林南林姑太黃太姑林

初獻

保和之曲

神兮我留有薦必受享祀之初奠茲醴酒晨光初升祥  
姑黃太姑蕤南林太太林南林姑林姑黃太黃南林黃  
徵應候何以侑觴樂陳雅奏

應姑林姑黃太姑南黃南姑

亞獻

中和之曲

我祀維何奉茲犧牲爰酌醴齊載觴載升洋洋如在式  
黃林姑黃姑林南林南林黃太林太南黃黃南林姑黃  
燕以寧庶表微衷交于神明

南姑林黃太姑太南林姑黃

終獻

肅和之曲

執事有嚴品物斯祭黍稷非馨式將其意薦茲酒醴成  
太黃太姑林夷林大仲林夷林大林姑黃大黃大姑黃

金匱要略卷十一  
我常祀神其顧歆永言樂只

夷林大林黃大姑林夷林大

徹豆

凝和之曲

春祈秋報率為我民我民之生賴于爾神維神祐之康  
黃林姑黃黃南姑林黃太姑太林太南黃黃南姑林姑  
寧是臻祭祀云畢神其樂歆

太南黃姑林南林南林姑黃

送神

壽和之曲

三獻禮終九成樂作神人以和既燕且樂雲車風馭靈  
林黃太姑林南林太黃南黃姑林太南黃黃南林姑黃  
光昭灼瞻望以思邈彼寥廓

林南林林姑黃太姑林南林


望燎

豫和之曲

俎豆既徹禮樂已終神之云還倏將焉從以望以燎庶  
黃太姑林林南黃太黃南林姑林姑黃黃南黃姑林  
幾感通時和歲豐維神之功

太南黃林姑黃太南林姑黃

夕月壇







夕月陳設圖

明集禮卷十一 字

菱

芡

鹿脯

白餅

黑餅

鹽

藁魚

棗

栗

榛

稷

梁

肉羹

大羹

牲

燭

神位

幣

肉羹

大羹

牲

香案

爵站

沙池

黍

稻

肉羹

大羹

牲

燭

祝

韭菹

醢醢

菁菹

鹿醢

芹菹

兔醢

筍菹

魚醢

脾析

豚拍

樂圖

明集禮卷十一 三

搏拊  
搏拊  
歌工  
歌工  
歌工  
歌工  
歌工  
歌工  
歌工

協律郎

机

琴琴琴琴琴瑟瑟

鐘

笛笛簾簾塤塤

和笙  
和笙  
簫  
簫  
鳳笙  
鳳笙  
應鼓

協律郎

歌

搏拊  
搏拊  
歌工  
歌工  
歌工  
歌工  
歌工  
歌工  
歌工

瑟瑟琴琴琴琴琴

磬

塤塤簾簾笛笛

鳳笙  
鳳笙  
簫  
簫  
和笙  
和笙

舞圖

引舞

十一

生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武

引舞

生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文

引舞

十一

生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武

引舞

生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文

夕月樂章

迎神

凝和之曲

吉日良辰祀典式陳太陰夜明以及星辰濯濯厥靈昭  
黃林姑黃姑林南林南林姑太林太南黃姑黃太姑黃  
鑒我心以候以迎來格來歆

南姑林林姑黃太南林姑黃

奠幣

保和之曲

靈旗涖止有赫其威一念潛通幽明弗違有幣在篚物

金匱要略卷十一  
林黃太姑姑林南林南林姑太林太南黃南黃南姑姑  
薄而微神兮安留尚其享之

林南林南林姑太黃太姑林

初獻

安和之曲

神兮我留有薦必受享祀之初奠茲醴酒晨光初升祥  
夾黃太夾林南林太太林南林夾林夾黃太黃南林黃  
徵應候何以侑觴樂陳雅奏

南夾林夾黃太夾南黃林夾

亞獻

中和之曲

我祀維何奉茲犧牲爰酌醴齊載觴載升洋洋如在式  
黃林姑黃姑林南林南林黃太林太南黃黃南林姑黃  
燕以寧庶表微衷交于神明

南姑林黃太姑太南林姑黃

終獻

肅和之曲

執事有嚴品物斯祭黍稷非馨式將其意薦茲酒醴成  
大黃大姑林夷林大仲林夷林大林姑黃大黃大姑黃

我常祀神其顧歆永言樂只

夷林大林黃大姑林夷林大

徹豆

壽和之曲

春祈秋報率為我民我民之生賴于爾神惟神祐之康  
黃林姑黃黃南姑林黃太姑太林太南黃黃南姑林姑  
寧是臻祭祀云畢神其樂欣

太南黃姑林南林南林姑黃

送神

豫和之曲



三獻禮終九成樂作神人以和既燕且樂雲車風馭靈  
林黃太姑林南林太黃南黃姑林太南黃黃南林姑黃  
光昭灼瞻望以思邈彼寥廓

林南林林姑黃太姑林南林

望燎

熙和之曲

俎豆既徹禮樂已終神之云還脩將焉從以望以燎庶  
黃太姑林林南黃太黃南林姑姑林姑黃黃南黃姑林  
幾感通時和歲豐維神之功

太南黃林姑黃太南林姑黃

國朝皇帝春朝朝日儀注

時日 以春分日行事

齋戒 皇帝散齋三日致齋二日陪祭官執事官並齋  
五日如常儀

省牲 前期二日所司設皇帝大次於壇外東門內道  
北南向設省牲位於壇東門外先祭一日導駕官同太  
常卿導引車駕詣大次太常卿奏請中嚴皇帝服皮弁

太常卿奏外辨導駕官同太常卿導引皇帝詣省牲位  
執事者各執乃事廩犧令帥其屬牽牲自東行過御前  
省訖牽詣神厨執事者取毛血實於豆太常卿奏請詣  
神厨導駕官同太常卿導引至神厨太常卿奏請視鼎  
鑊請視滌濯遂烹牲導駕官同太常卿導引皇帝還大  
次

陳設 前祭一日所司陳設如圖儀鑾駕出宮鹵簿導  
從同圓丘儀

正祭 祭日清晨太常卿帥執事者各實尊罍盞豆簋  
簋登俎又實幣于篚加圭璧陳于尊所祝版置于神位  
之右樂生舞生入就位諸執事官陪祭官各入就位太  
常卿奏請中嚴皇帝服袞冕太常卿奏外辦導駕官同  
太常卿導引皇帝至御位南向立

迎神 贊禮唱迎神協律郎跪俛伏舉麾奏熙和之曲  
樂闕成止贊禮唱請行禮太常卿奏有司謹具請行事  
奏鞠躬拜興拜興平身皇帝鞠躬拜興拜興平身贊禮

唱皇太子以下在位官皆再拜傳贊唱鞠躬拜興拜興  
平身皇太子以下鞠躬拜興拜興平身

奠玉幣 贊禮唱奠玉幣太常卿奏請詣盥洗位導駕  
官同太常卿導引皇帝詣盥洗位太常卿贊盥曰前期  
齋戒今晨奉祭加其清潔以對神明太常卿奏搢圭皇  
帝搢圭司執洗者奉盥進巾太常卿奏盥手帨手出圭  
皇帝盥手帨手出圭太常卿奏請升壇贊曰神明在上  
整肅威儀升自午陛太常卿奏請詣大明神位前司玉

幣者奉玉幣以俟協律郎跪俯伏舉麾奏保和之曲導  
駕官同太常卿導引皇帝至神位前北向立太常卿奏  
跪拵圭皇帝跪拵圭司香官舉香跪進于皇帝之左太  
常卿奏上香上香三上香皇帝上香上香三上香司幣  
玉者奉玉幣跪進于皇帝之右皇帝受玉幣奠于大明  
神位前太常卿奏出圭鞠躬拜興平身皇帝出圭鞠躬  
拜興拜興平身樂止太常卿奏復位導駕官同太常卿  
導引皇帝復位

進熟 贊禮唱進俎齋郎舉俎至壇前進俎官舉俎升  
自午陸協律郎跪俛伏舉麾奏

闕

之曲導駕官同太

常卿導引皇帝至大明神位前太常卿奏拊圭皇帝拊  
圭進俎官以俎進于皇帝之右皇帝以俎奠于大明神  
位前太常卿奏出圭皇帝出圭太常卿奏復位導駕官  
同太常卿導引皇帝復位

初獻 贊禮唱行初獻禮太常卿奏行初獻禮請詣爵  
洗位導駕官同太常卿導引皇帝至爵洗位太常卿奏

攝主皇帝攝主執爵官以爵進皇帝受爵滌爵拭爵以爵授執爵官太常卿奏出主皇帝出主太常卿奏請詣酒尊所導駕官同太常卿導引皇帝升壇至酒尊所太常卿奏攝主皇帝攝主執爵官以爵進皇帝執爵司尊者舉簾酌泛齊皇帝以爵授執爵官太常卿奏出主皇帝出主太常卿奏請詣大明神位前協律郎跪俯伏舉麾奏安和之曲武功之舞導駕官同太常卿導引皇帝至神位前太常卿奏跪攝主皇帝跪攝主司香官捧香



跪進于皇帝之左太常卿奏上香上香三上香皇帝上  
香上香三上香執爵官奉爵跪進于皇帝之右皇帝受  
爵太常卿奏祭酒祭酒三祭酒奠爵皇帝祭酒祭酒三  
祭酒奠爵樂舞止太常卿奏出主皇帝出主讀祝官取  
祝版於神右跪讀訖樂舞作太常卿奏俯伏興平身稍  
後鞠躬拜興拜興平身皇帝俯伏興平身稍後鞠躬拜  
興拜興平身樂舞止太常卿奏請復位導駕官同太常  
卿導引皇帝復位

亞獻 贊禮唱行亞獻禮太常卿奏請行亞獻禮請詣  
爵洗位導駕官同太常卿導引皇帝至爵洗位太常卿  
奏摺圭皇帝摺圭執爵官以爵進皇帝受爵滌爵拭爵  
以爵授執爵官太常卿奏出圭皇帝出圭太常卿奏請  
詣酒尊所導駕官同太常卿導引皇帝升壇至酒尊所  
太常卿奏摺圭皇帝摺圭執爵官以爵進皇帝受爵司  
尊舉罇酌醴齊皇帝以爵授執爵官太常卿奏出圭皇  
帝出圭太常卿奏請詣大明神位前協律郎跪俛伏舉

麾奏中和之曲文德之舞導駕官同太常卿導引皇帝  
至神位前太常卿奏跪搢圭皇帝跪搢圭司香官捧香  
跪進于皇帝之左太常卿奏上香上香三上香皇帝上  
香上香三上香執爵官捧爵跪進于皇帝之右皇帝受  
爵太常卿奏祭酒祭酒三祭酒奠爵皇帝祭酒祭酒三  
祭酒奠爵太常卿奏出圭俯伏興平身稍後鞠躬拜興  
拜興平身皇帝出圭俯伏興平身稍後鞠躬拜興平身  
樂舞止太常卿奏復位導駕官同太常卿導引皇帝復

位

終獻 贊禮唱行終獻禮太常卿奏行終獻禮請詣爵  
洗位導駕官同太常卿導引皇帝至爵洗位太常卿奏  
搢圭皇帝搢圭執爵官以爵進皇帝受爵滌爵拭爵以  
爵授執爵官太常卿奏出圭皇帝出圭太常卿奏請詣  
酒尊所導駕官同太常卿導引皇帝升壇至酒尊所太  
常卿奏搢圭皇帝搢圭執爵官以爵進皇帝受爵司尊  
者舉罇酌盃齊皇帝以爵授執爵官太常卿奏出圭皇

帝出主太常卿奏請詣大明神位前協律郎跪俛伏舉麾奏肅和之曲文德之舞導駕官同太常卿導引皇帝至神位前太常卿奏跪搢主皇帝跪搢主司香官捧香跪進于皇帝之左太常卿奏上香上香三上香皇帝上香上香三上香執爵官奉爵跪進于皇帝之右皇帝受爵太常卿奏祭酒祭酒三祭酒奠爵皇帝祭酒祭酒三祭酒奠爵太常卿奏出主俯伏興平身稍後鞠躬拜興拜興平身皇帝出主俯伏興平身稍後鞠躬拜興拜興

平身太常卿奏復位導駕官同太常卿導引皇帝復位  
飲福受胙 贊禮唱飲福受胙太常卿奏請詣飲福位  
導駕官同太常卿導引皇帝升壇至飲福位北向立太  
常卿奏鞠躬拜興拜興平身皇帝鞠躬拜興拜興平身  
太常卿奏跪搢圭皇帝跪搢圭奉爵官酌福酒跪進于  
皇帝之左贊曰惟此酒有神之所與賜以福慶億兆同  
霑皇帝受福酒祭酒飲福酒以爵置于左奉胙官奉胙  
跪進于皇帝之右皇帝受胙以胙授執事者執事者跪

受于皇帝之右太常卿奏出主皇帝出主太常卿奏俯  
伏興平身稍後鞠躬拜興拜興平身皇帝俯伏興平身  
稍後鞠躬拜興拜興平身太常卿奏請復位導駕官同  
太常卿導引皇帝復位

徹豆 贊禮唱徹豆協律郎跪俛伏舉麾奏凝和之曲  
掌祭官徹豆贊禮唱賜胙太常卿奏皇帝飲福受胙免  
拜贊禮唱皇太子以下在位官皆再拜傳贊唱鞠躬拜  
興拜興平身皇太子以下皆鞠躬拜興拜興平身樂止

送神 贊禮唱送神協律郎跪俯伏舉麾奏壽和之曲  
太常卿奏鞠躬拜興拜興平身皇帝鞠躬拜興拜興平  
身贊禮唱皇太子以下在位官皆再拜傳贊唱鞠躬拜  
興拜興平身皇太子以下皆鞠躬拜興拜興平身贊禮  
唱祝人取祝帛人取帛詣望燎位讀祝官捧祝捧帛官  
捧帛掌祭官取饌及爵酒詣柴壇置戶上

樂止

望燎 贊禮唱望燎導駕官同太常卿導引皇帝至望  
燎位贊禮唱可燎東西面各二人以炬燎火柴半燎太



常卿奏禮畢導駕官同太常卿導引皇帝還大次解嚴  
鑾駕還宮鹵簿導從如來儀大樂鼓吹振作

皇帝秋夕月儀注

時日 以秋分日行事

齋戒 皇帝散齋三日致齋二日陪祭官執事官並齋  
五日如常儀

省牲 前期二日所司設皇帝大次於壇外東門內道  
北南向設省牲位於內壇東門外先祭一日導駕官同

太常卿導引車駕詣大次太常卿奏請中嚴皇帝眼皮  
弁服太常卿奏外辦導駕官同太常卿導引皇帝詣省  
牲位執事者各執乃事廩犧令率其屬牽牲自東行過  
御前省訖牽詣神厨執事者取毛血實于豆太常卿奏  
請詣神厨導駕官同太常卿導引至神厨太常卿奏請  
視鼎鑊請視滌濯遂烹牲導駕官同太常卿導引皇帝  
還大次

陳設前祭一日所司陳設如圖儀

鑾駕出宮內簿導從同圓丘儀

正祭 祭日清晨太常少卿帥執事者各實尊罍籩豆簠簋登俎又實幣于篚加圭璧陳于尊所祝版置于神位之右樂生舞生入就位諸執事官陪祭官各入就位太常卿奏請中嚴皇帝服袞冕太常卿奏外辦導駕官同太常卿導引皇帝至御位南向立

迎神 贊禮唱迎神協律郎跪俛伏舉麾奏凝和之曲

樂制 成贊禮唱請行禮太常卿奏有司謹具請行事奏

鞠躬拜興拜興平身皇帝鞠躬拜興拜興平身贊禮唱  
皇太子以下在位官皆再拜傳贊唱鞠躬拜興拜興平  
身皇太子以下鞠躬拜興拜興平身

奠玉幣 贊禮唱奠玉幣太常卿奏請詣盥洗位導駕  
宮司太常卿導引皇帝詣盥洗位太常卿贊盥曰前期  
嘉戒今晨奉祭加其清潔以對神明太常卿奏搢圭皇  
帝搢圭司執洗者捧盥進巾太常卿奏盥手悅手出圭  
皇帝盥手悅手出圭太常卿奏請升壇贊曰神明在上

整肅威儀升自午陞太常卿奏請詣夜明神位前司玉  
幣者捧玉幣以俟協律郎跪俯伏舉麾奏保和之曲導  
駕官同太常卿導引皇帝至神位前北向立太常卿奏  
跪搢圭皇帝跪搢圭司香官取香跪進于皇帝之左太  
常卿奏上香上香三上香皇帝上香上香三上香司玉  
幣者捧玉幣跪進于皇帝之右皇帝受玉幣奠于夜明  
神位前太常卿奏出圭鞠躬拜興拜興平身皇帝出圭  
鞠躬拜興拜興平身樂止太常卿奏請詣星辰神位前

導駕官同太常卿導引皇帝至神位前太常卿奏跪搢  
圭皇帝跪搢圭司香官捧香跪進于皇帝之左太常卿  
奏上香上香三上香皇帝上香上香三上香司幣者捧  
幣跪進于皇帝之右皇帝受幣奠于星辰神位前太常  
卿奏出圭鞠躬拜興拜興平身皇帝出圭鞠躬拜興拜  
興平身太常卿奏復位導駕官同太常卿導引皇帝復  
位

進熟 贊禮唱進俎齊郎舉俎至壇前進俎官舉俎升

自午陞協律郎跪俛伏舉麾奏保和之曲導駕官同太常卿導引皇帝至夜明神位前太常卿奏搢圭皇帝搢圭進俎官以俎進于皇帝之右皇帝以俎奠于神位前太常卿奏出圭皇帝出圭導駕官同太常卿導引至星辰神位前進俎官以俎進于皇帝之右太常卿奏搢圭皇帝搢圭以俎奠于星辰神位前太常卿奏出圭皇帝出圭太常卿奏復位導駕官同太常卿導引皇帝復位初獻 贊禮唱行初獻禮太常卿奏請行初獻禮請詣

爵洗位導駕官同太常卿導引皇帝至爵洗位太常卿奏搢圭皇帝搢圭執爵官以爵進皇帝受爵滌爵拭爵以爵授執爵官執爵官又以爵進皇帝受爵滌爵拭爵以爵授執爵官太常卿奏出圭皇帝出圭太常卿奏請詣酒尊所導駕官同太常卿導引皇帝升壇至酒尊所太常卿奏搢圭皇帝搢圭執爵官以爵進皇帝執爵司尊者舉罍酌泛齊皇帝以爵授執爵官太常卿奏出圭皇帝出圭太常卿奏請詣夜明神位前協律郎跪俯伏



舉麾奏安和之曲武功之舞導駕官同太常卿導引皇帝至神位前太常卿奏跪搢圭皇帝跪搢圭司香官捧香跪進于皇帝之左太常卿奏上香上香三上香皇帝上香上香三上香執爵官捧爵跪進于皇帝之右皇帝受爵太常卿奏祭酒祭酒三祭酒奠爵皇帝祭酒祭酒三祭酒奠爵樂舞止太常卿奏出圭皇帝出圭讀祝官取祝版于神右跪讀訖樂舞作太常卿奏俯伏興平身稍後鞠躬拜興拜興平身皇帝俯伏興平身稍後鞠躬

拜興拜興平身

樂舞止

太常卿奏請詣酒尊所導駕官

同太常卿導引皇帝至酒尊所執爵官以爵進皇帝受爵司尊舉罍酌泛齊以爵授執爵官太常卿奏請詣星辰神位前導駕官同太常卿導引皇帝至神位前太常卿奏跪搢圭皇帝跪搢圭司香官捧香跪進于皇帝之左太常卿奏上香上香三上香皇帝上香上香三上香執爵官捧爵跪進于皇帝之右皇帝受爵太常卿奏祭酒祭酒三祭酒奠爵皇帝祭酒祭酒三祭酒奠爵太常

卿奏出主讀祝官取祝版于神位之右跪讀訖太常卿  
奏俯伏興平身稍後鞠躬拜興拜興平身皇帝俯伏興  
平身稍後鞠躬拜興拜興平身太常卿奏請復位導駕  
官同太常卿導引皇帝復位

亞獻 贊禮唱行亞獻禮太常卿奏行亞獻禮請詣爵  
洗位導駕官同太常卿導引皇帝至爵洗位太常卿奏  
搢圭皇帝搢圭執爵官以爵進皇帝受爵滌爵拭爵以  
爵授執爵官執爵官又以爵進皇帝受爵滌爵拭爵以

爵授執爵官太常卿奏出主皇帝出主太常卿奏請詣  
酒尊所導駕官同太常卿導引皇帝升壇至酒尊所太  
常卿奏揖主皇帝揖主執爵官以爵進皇帝受爵司尊  
舉罍酌醴齊皇帝以爵授執爵官太常卿奏出主皇帝  
出主太常卿奏請詣夜明神位前協律郎跪俛伏舉麾  
奏中和之曲文德之舞導駕官同太常卿導引皇帝至  
神位前太常卿奏跪揖主皇帝跪揖主司香官捧香跪  
進于皇帝之左太常卿奏上香上香三上香皇帝上香

上香三上香執爵官捧爵跪進于皇帝之右皇帝受爵  
太常卿奏祭酒祭酒三祭酒奠爵皇帝祭酒祭酒三祭  
酒奠爵太常卿奏出主俯伏興平身稍後鞠躬拜興拜  
興平身皇帝出主俯伏興平身稍後鞠躬拜興拜興平  
身樂舞止太常卿奏請詣酒尊所導駕官同太常卿導  
引皇帝至酒尊所執爵官以爵進皇帝受爵司尊者舉  
罍酌醴齊皇帝以爵授執爵官太常卿奏請詣星辰神  
位前

樂舞作

導駕官同太常卿導引皇帝至神位前太常

卿奏跪揖主皇帝跪揖主執爵官捧爵跪進于皇帝之  
右皇帝受爵太常卿奏祭酒祭酒三祭酒奠爵皇帝祭  
酒祭酒三祭酒奠爵太常卿奏出主俯伏興平身稍後  
鞠躬拜興拜興平身皇帝出主俯伏興平身稍後鞠躬  
拜興拜興平身樂舞止太常卿奏復位道駕官同太常  
卿導引皇帝復位

終獻 贊禮唱行終獻禮太常卿奏行終獻禮請詣爵  
洗位導駕官同太常卿導引皇帝至爵洗位太常卿奏

搢圭皇帝搢圭執爵官以爵進皇帝受爵滌爵拭爵以爵授執爵官執爵官又以爵進皇帝受爵滌爵拭爵以爵授執爵官太常卿奏出圭皇帝出圭太常卿奏請詣酒尊所導駕官同太常卿導引皇帝升壇至酒尊所太常卿奏搢圭皇帝搢圭執爵官以爵進皇帝受爵司尊舉冪酌盞齊皇帝以爵授執爵官太常卿奏出圭皇帝出圭太常卿奏請詣夜明神位前協律郎跪俛伏舉麾奏肅和之曲文德之舞導駕官同太常卿導引皇帝至

神位前太常卿奏跪搢圭皇帝跪搢圭司香官捧香跪  
進于皇帝之左太常卿奏上香上香三上香皇帝上香  
上香三上香執爵官捧爵跪進于皇帝之右皇帝受爵  
太常卿奏祭酒祭酒三祭酒奠爵皇帝祭酒祭酒三祭  
酒奠爵太常卿奏出圭俯伏興平身稍後鞠躬拜興拜  
興平身皇帝出圭俯伏興平身稍後鞠躬拜興拜興平  
身太常卿奏請詣酒尊所導駕官同太常卿導引皇帝  
至酒尊所執爵官以爵進皇帝受爵司尊者舉罍酌盞



齊皇帝以爵授執爵官太常卿奏請詣星辰神位前導  
駕官同太常卿導引皇帝至神位前太常卿奏跪搢圭  
皇帝跪搢圭執爵官捧爵跪進于皇帝之右皇帝受爵  
太常卿奏祭酒祭酒三祭酒奠爵皇帝祭酒祭酒三  
祭酒奠爵太常卿奏出圭俯伏興平身稍後鞠躬拜  
興拜興平身皇帝出圭俯伏興平身稍後鞠躬拜興  
拜興平身太常卿奏復位導駕官同太常卿導引皇帝  
復位

飲福受胙 贊禮唱飲福受胙太常卿奏請詣飲福位  
導駕官同太常卿導引皇帝升壇至飲福位北向太常  
卿奏鞠躬拜興拜興平身皇帝鞠躬拜興拜興平身太  
常卿奏跪搢圭皇帝跪搢圭捧爵官酌福酒跪進于皇  
帝之左贊曰惟此酒肴神之所與賜以福慶億兆同霑  
皇帝受福酒祭酒飲福酒以爵置于拈捧胙官捧胙跪  
進于皇帝之右皇帝受胙以胙授執事者執事者跪受  
于皇帝之右太常卿奏出圭皇帝出圭太常卿奏俯伏

興平身稍後鞠躬拜興拜興平身皇帝俯伏興平身稍  
後鞠躬拜興拜興平身太常卿奏請復位導駕官同太  
常卿導引皇帝復位

徹豆 贊禮唱徹豆協律郎跪俛伏舉麾奏壽和之曲  
掌祭官徹豆贊禮唱賜胙太常卿奏皇帝飲福受胙免  
拜贊禮唱皇太子以下在位官皆再拜傳贊唱鞠躬拜  
興拜興平身皇太子以下皆鞠躬拜興拜興平身樂止  
送神 贊禮唱送神協律郎跪俯伏舉麾奏豫和之曲

太常卿奏鞠躬拜興拜興平身皇帝鞠躬拜興拜興平身贊禮唱皇太子以下在位官皆再拜傳贊唱鞠躬拜興拜興平身皇太子以下皆鞠躬拜興拜興平身贊禮唱祝人取祝幣人取幣詣望燎位讀祝官取祝捧幣官捧幣掌祭官取饌及爵酒詣柴壇置戶上樂止

望燎 贊禮唱望燎導駕官同太常卿導引皇帝至望燎位贊禮唱可燎東西面各二人以炬燎火柴半燎太常卿奏禮畢導駕官同太常卿導引皇帝還大次解嚴

鑾駕還宮鹵簿導從如來儀大樂鼓吹振作

明集禮卷十一

欽定四庫全書

明集禮卷十二

吉禮十二

藉田享先農

總序

祭法曰王為羣姓立社曰太社王自為立社曰王社王社亦曰帝社鄭玄謂王社在藉田之中詩載芟序云春藉田而祈社是也又周官籥章凡國祈年于田祖吹豳

雅擊土鼓以樂田畯鄭氏曰田祖始耕田者謂神農也  
漢立官社文帝令官祠先農先農即神農也晉武詔復  
二社北齊及隋又改曰先農唐神龍中禮官祝欽明議  
以禮典無先農之文先農與社本是一神妄為改作請  
改先農壇為帝社壇以應禮經王社之義至開元定禮  
又采齊隋之議復曰先農宋陳祥道曰先儒謂王社建  
於藉田然國語王藉則司空除壇農正陳藉禮而歷代  
所祭先農而已不聞祭社也詩曰春藉田而祈社非謂



社稷建於藉田也今按祝欽明云先農即社陳祥道云社自社先農自先農藉田所祭乃先農非社也雖其說不同未知孰是要之其為重農報本之義一也若夫藉田之制則考於月令與周官可見月令天子孟春之月乃擇元辰親載耒耜置之車右帥公卿諸侯大夫躬耕藉田千畝於南郊冕而朱紘躬秉耒天子三推三公五推諸侯九推反執爵於太寢三公九卿諸侯大夫皆御命曰勞酒季秋之月歲帝藉之收於神倉地官內宰詔

王后帥六宮之人生種稑之種而獻于王甸師掌率其屬而耕耨王藉以時入之以共粢盛其制如此然享先農之禮與躬耕同日禮無明文惟周語云農正陳藉禮而韋昭注謂陳藉禮者祭其神為農祈也至漢以藉田之日祀先農而其禮始著漢舊儀春耕藉田官祠先農百官皆從置藉田令丞東漢藉田儀正月始耕常以乙日祠先農於田所先農已享耕于乙地由晉魏以下至於唐宋其禮不廢政和間罷享先農為中祀命有司行

事止行親耕之禮南渡後復親祠元雖議耕藉而竟不  
親行其祠先農命有司攝事而已國朝親祠躬耕始復  
遵古禮云

時日

月令孟春之月乃擇元辰說者曰元辰祈穀郊後吉辰  
也十二支謂之辰郊天是陽故用辛日耕藉是陰故用  
亥辰知用亥者正月亥為天倉以其耕事故用天倉也  
周語立春之日農祥農正至二月初吉王裸鬯而行藉

禮漢文用亥日耕藉祠先農後王相承用之明帝耕以  
二月章帝耕以正月乙日晉武帝以正月丁亥宋文帝  
以正月上辛後吉亥享先農親耕齊武帝時王儉以為  
比來親耕並用立春後亥日經無明文何佟之云少牢  
饋食禮禘太廟用丁亥鄭玄以不必丁亥今若不得丁  
則用己亥辛亥苟有亥焉可也梁初依宋齊禮以正月  
用事天監中以尚書云以殷仲春藉田理在建卯於是  
改用二月唐用孟春吉亥宋用正月上辛後亥日政和

中議禮局言孟春親耕下太史局擇日不必專用吉亥  
元用孟春吉亥國朝以仲春擇吉日行事

壇壝

周語虢文公云藉田之制司空除于藉漢文帝立壇于  
田所其制如社之壇宋於宮之辰地八里外整制千畝  
中開阡陌立先農壇於中阡西陌南梁移藉田于建康  
北岸築兆域如南北郊齊作祠壇於陌南阡西廣輪三  
十尺四陞三壝四門又為大營於外北齊立帝社唐高

宗改藉田壇為先農壇神龍初復改先農壇為帝社壇  
於壇西立帝稷壇禮同太社惟不備方色有異焉壇高  
五尺方五丈四出陛其色青祀前二十日脩畢宋先農  
壇九尺四十步飾以青二壝元壇制同社壇縱廣十步  
高五尺四出陛其色青每方開靈星門國朝壇在藉田  
之北高五尺闊五丈四出陛

配位

漢祠令太社外又立官社配以夏禹立官稷配以后稷

元始中議以官稷配官社光武中興但太社有稷而官社無稷非齊祀先農神農氏於壇上無配享隋以后稷配唐初於帝社壇西立帝稷壇至開元定禮又除帝稷壇祀先農於壇上以后稷配歷宋元至國朝遂為常典焉

神席

唐宋正配位皆席以莞元加以褥國朝奉主置于案不用席

祝冊

唐祀先農正位祝文曰維某年歲次月朔日子皇帝某  
敢昭告于帝神農氏獻春伊始東作方興率由典則恭  
祀千畝謹以制幣犧齊粢盛庶品肅備常祀陳其明薦  
以后稷配神作主尚享后稷氏祝文曰土膏脉起爰脩  
耕藉恒事于帝神農氏惟神功叶稼穡寔允昭配謹以  
制幣犧齊粢盛庶品式陳明薦脩神作主尚享宋祝文  
缺元攝祀正位祝文曰維年月日皇帝敬遣某官昭告



于帝神農氏夾鍾應律耕藉以時順考彛章載祈農事  
謹以制幣牲齊粢盛庶品用伸明薦以后稷氏配尚享  
配位祝文曰日中星鳥禮重藉田用薦常事于帝神農  
氏惟神之功粒我烝民允諧昭配謹以云云尚享國朝  
洪武二年仲春皇帝親祠先農祝文曰惟神生於天地  
開闢之初創田器別嘉種以肇興農事古今億兆非此  
不生永為世教帝王典祀敬不敢忘其本庶民因天下  
亂集兵保民者一紀于茲荷天地眷佑海內一家臨御

稱尊紀綱黎庶考典崇祀神載策書今東作方興禮宜  
告祭謹命太常官築壇於京城之陽躬率百司詣壇展  
禮緬惟神明造化萬世如斯仰冀發太古之苗實初生  
之粟為民立命昭祀無疆謹以制幣犧齊庶品肅備常  
祀陳其明薦以后稷氏配神作主尚享后稷氏祝文曰  
惟土膏脉起爰脩耕藉用薦常事于先農之神惟神功  
協稼穡允宜昭配謹以制幣犧齊粢盛庶品式陳明薦  
作主侑神尚享

祭器

唐制正配位各設犧尊二象尊二山罍二籩豆各十簋  
盥各二登鉶俎各三宋每位著尊二壺尊二皆有罍加  
勺罍以為酌尊太尊二山尊二犧尊二象尊二皆有罍  
加罍設而不酌籩豆各十有二簋盥登各一俎各五元  
攝祀正位太尊二著尊二犧尊二山罍二於壇上象尊  
二壺尊二山罍二於壇下配位著尊二犧尊二象尊二  
山罍二於壇上壺尊二山罍二於壇下籩豆各十簋盥

各二鉶各三俎各五盤各一國朝正配位各尊二邊  
豆各十簋簋各二登鉶俎案各三

幣

自唐宋以來皆用青幣

牲

周制春藉田祈社稷牲用太牢漢祠先農以一太牢後  
魏用羊一宋初以羊豕元豐間復加純色犢元用太牢  
國朝用犢一羊一豕一配位同

酒齊

唐正配位犧尊實以醴齊象尊實以盎齊山罍實以清酒上尊各實明水玄酒宋著尊實醴齊壺尊實盎齊上尊各實玄酒設尊並實五齊三酒國朝同唐宋

粱盛

唐簋實以稷簋實以稻宋簋實以稷簋實以黍元簋實以黍稷簋實以稻粱國朝同

邊豆之實

唐籩實以石鹽乾魚乾棗栗黃榛子仁菱仁芡仁鹿脯  
白餅黑餅豆實以韭菹醢醢菁菹鹿醢芹菹兔醢荀菹  
魚醢脾析菹豚拍宋籩加粳餌粉飡豆加飽食糝食元  
同唐制國朝因之

樂章

歷代祠先農與耕藉田皆有樂唐祠先農之樂降神以  
角音奏永和之樂以姑洗之均作文舞之舞樂舞三成  
登歌奏肅和之樂迎俎奏雍和之樂酌獻奏壽和之樂

飲福同亞獻終獻奏泰和之樂武舞之舞送神奏永和  
之樂宋仁宗更定先農樂章迎神奏靖安之樂文舞儲  
靈錫慶之舞登歌奏嘉安之樂迎俎奏豐安之樂酌獻  
登歌奏禧安之樂飲福同亞獻終獻文舞退武舞進奏  
正安之樂送神奏靖安之樂元攝祀樂作三成國朝迎  
神奏永和之樂三成奠幣奏永和之樂迎俎奏雍和之  
樂三獻並奏壽和之樂文德之舞徹豆送神並奏永和  
之樂望瘞奏泰和之樂其藉田之樂唐制耕訖太常卿

引皇帝入自南門還大次樂作皇帝出自內壝東門釋  
鎮圭執大圭入次樂止宋制皇帝送神畢還大次宮架  
樂作出內壝門外釋大圭服通天冠絳紗袍輦至小次  
降輦至耕藉位受耒耜宮架樂作三推禮畢帝升觀耕  
壇宮架樂作升自午階登歌樂作三公以下至庶人耕  
畢北面再拜皆退復位皇帝降座登歌樂作至壇下升  
輦宮架樂作還宮國朝親耕用教坊樂其日附京耆老  
皆率其子弟以村社簫鼓集于耕所而迭奏焉



# 冠服

周制天子親耕冕而朱紘漢以來冕服無文宋文帝元嘉中親祠躬耕著通天冠青幘青袞佩蒼玉侍祠蕃王以下至六百石皆衣青惟三臺武衛不耕者不改章服唐乘輿服袞冕侍祠者各服其服如圓丘儀宋太宗端拱儀祀前一日皇帝服通天冠絳紗袍執圭赴東郊行宮齋宿祀之日服袞冕執鎮圭親享畢詣耕藉位行三推禮禮畢改服通天冠絳紗袍而還元不親祠其攝祀

官並法服國朝皇帝服袞冕十二章皇太子侍祠服袞冕九章陪祀官俱法服

車輅

周藉田天子親載耒耜置之車右漢制無文晉武太始四年躬耕御木輅宋文御耕根三蓋車駕蒼駟建青旂以享先農而親耕齊使御史乘馬車載耒耜從五輅梁制侍中奉耒耜載於象輅以隨木輅之後唐乘耕根車宋太宗雍熙儀乘耕根車以象輅載耒耜列於仗內御

前在皮軒車後端拱儀改乘玉輅以耕根車載耒耜仁  
宗明道中乘玉輅適耕所司農卿以耕根車載耒耜前  
玉輅以行徽宗政和儀改乘耕根車而以耒耜載于玉  
輅高宗朝太常議王之五輅玉輅最貴耕根一名芒車  
所謂農輿蓋車之無飾者也南齊藉田御史乘馬車載  
耒耜於五輅之後時以為禮輕梁更用侍中載象輅今  
政和儀帝御耕根而耒耜乃載於玉輅輕重失序矣請  
乘玉輅而以耕根載耒耜如端拱明道故事元不親耕

至元中定擬皇帝以耕根車載耒耜於御間國朝因宋制皇帝乘玉輅而以耕根載耒耜

### 陳設

唐制前祀三日有司陳設大次御位及文武官位太樂令設樂懸並同圓丘祀天儀唯樂懸樹路鼓及為瘞瘞于壇北壬地設望瘞位於內壝東門之內道南為異又設御耕藉位於外壝南門之外十步所南向設從耕三公諸王尚書諸卿位於御座東南西向諸王公尚書卿

非耕者位於耕者之東尚舍設御耒席於三公之北南向奉禮設司農卿位於御耒席東西向設廩犧令位於司農之南少退諸執耒耜者位於公卿耕者之後非耕者之前西向設酒尊之位於壇上神農氏犧尊二象尊二山罍二於東南隅后稷氏犧尊二象尊二山罍二在神農酒尊之東俱北向西上設御洗於壇南陞東南亞獻之洗於東陞之南俱北向執尊罍篚霱者各位於尊罍篚霱之後設幣篚于壇上各於尊坫之所晡後郊社

令帥齋郎以坩罍洗篚罍入設于位至祀之日太史令郊社令升設神農氏神座於壇上北方南向設后稷氏神座於東方西向席皆以莞宋前期設御座於藉田思文殿之中南向設御幄於觀耕壇上大次於殿上小次二一於先農壇午階下一於觀耕壇酉階下羣臣次於門之内外設饌幔樂舞前一日設神農氏位於壇之北方南向后稷氏位於東方西向席皆以莞設御位版於壇下飲福位版於壇上望座位版於子階之西羣臣位

各以其方司農設御耒耜於南門外御耕版位於耕藉  
所侍耕位於東西階從耕三公位在東南北卿諸侯位  
在其南皆西向庶人位在其南十步外耆老陪耕位又  
在其南皆西向御耒席於三公之北太僕設御耕牛於  
御耕位之西太常設登歌於觀耕壇上宮架於庶人耕  
位之南耕藉使位於御耕位之東侍中在其南司農卿  
位於侍中之後藉田令位於司農卿之南奉青箱官位  
於司農卿之後司農少卿位於庶人之前太社令位於

司農之西太僕卿位於御耕牛之東畿邑縣令位於庶人之東執耒耜者位於公卿耕者之後執耒耜插耒耜之前司農設從耕耒耜及牛各於其位之前兵部陳仗士及耕根車於皇城南門之外元不親耕國朝祀前二日有司掃除壇上下灑掃齋舍饌室神厨設皇帝大次於外壇之東設皇太子次於大次之右祀前一日設省牲位於內壇東門之外設樂懸及協律郎位於壇下之南設先農神座於壇上南面設后稷神座於壇上西面設御



位於壇下北向皇太子位於御位之東稍後設望座位於壇西南設典儀御史四人位於壇下東西相向設導駕官太常卿六人位於御位之前東西相向設傳贊贊引各二人位於協律郎之南東西相向設文武官陪祭位於樂懸之南設諸執事官位於陪祭官之左右設讀祝位於神位之右設正配位酒尊於壇上設御洗於壇下又設御位於耕藉壇上設御耒耜二具於壇南裏以青絹設戶部尚書進耒耜位於御耒耜之左設從耕丞

相都督左右丞叅政御史大夫中丞侍御治書六部尚書太常卿位於御耒耜之左右設應天知府上元江寧知縣位於太常卿之後設庶人耆老位於知縣之後

齋戒

皇帝散齋三日致齋二日陪祭執事官各齋戒五日並如圓丘祀天儀

齋宮

宋太宗雍熙四年定東郊青城齋宮殿門名前殿曰兩

儀後殿曰延慶大殿門曰龍德左掖門曰光天右掖門  
曰麗天東門曰鳳陽西門曰安福南門曰祈年北門曰  
玄英大殿東西廊門曰日華月華後園五花亭曰會芳  
御幄後門曰福慶哲宗紹聖間增脩鍛麥殿名曰思文  
元無其制

耕所

周制天子耕藉田千畝于南郊號文公言藉田之制司  
空除壇于藉漢文帝東耕藉田昭帝幼即位耕於鉤盾

弄田鉤盾官者近署故往試耕為戲弄也後漢明帝東  
巡耕于下邳章帝北巡耕於懷縣晉武耕于東郊之南  
洛水之北去宮八里為千畝之制宋文帝度宮之辰地  
八里之外整制千畝中開阡陌立御耕壇於中阡東陌  
北將耕宿青幕於壇上梁武普通中移藉田於建康北  
岸立觀耕臺於壇東親耕畢以觀公卿之推反齊設御  
耕壇於阡東陌北隋於東南十四里啓夏門外制千畝  
唐耕於東郊不開阡陌設御耕位於壇南十步貞觀中

議藉田所在給事中孔穎達曰禮天子藉於南郊諸侯  
於東郊晉武時於東南今於城東不合古禮太宗曰禮  
緣人情何常之有虞書之平秩東作已在東矣又乘青  
輅載黛耜者所以順於春氣故知合在東方也於是遂  
定宋初耕於東郊神宗元豐中議以天子為藉於南郊  
諸侯為藉於東郊是為不易之典而歷世帝王循用東  
郊之制乃依古禮度地於京城東南御耕位在先農壇  
壝門東南築壇高五尺周圍四十步四出陛飾以青元

耕藉南郊國朝藉田在皇城南門外御耕藉位在先農壇東南高三尺闊二丈五尺四出陞

耒耜牛附

周制天子親載耒耜唐御耒耜二具內一具為副並緇以青藉席二領各一丈御耒耜牛四頭內二頭副牛衣以青三公九卿諸侯耒耜一十五具牛四十頭內十頭副庶人耒耜二十具畚二具鍤二具高宗乾封間閱耒耜有雕刻文飾者謂左右曰田器農人執之在於朴素

豈貴文飾乎命徹之宋御耒耜二及緇皆飾以青御耕  
青牛四衣以青如無青牛以黃牛代而以青羅夾衣蓋  
之從耕官每耒耜用牛二頭耒耜三十牛六十庶人四  
十人並青衣耒耜四十牛八十鍤十畝二十元不親耕  
至元中定擬御耒耜二韜以青其制取合農用不雕飾  
畢日收之御耒之牛四并牛衣三公九卿諸侯耒十有  
五耕牛四十庶人耒耜二十具鍤二耕牛四十國朝設  
御耒耜二具依農家常用者製造用青絹包裏御耕牛

四衣以青衣從耕官耒耜

具牛

頭庶人

人牛

頭耒

耜

耕推之數

周制天子三推三公五推諸侯九推周語虢文公曰王  
耕一撥班三之庶人終于千畝一撥一耒之撥也班次  
也三之者謂下各三其上也王一撥公三卿九大夫二  
十七也漢章帝元和中耕藉天子三公九卿諸侯百官  
以次耕推數如周法宋文帝親耕三推三反王公及諸



侯五推五反孤卿大夫七推七反士九推九反藉田令  
率其屬耕竟畝唐玄宗開元中親耕詔左右曰古禮三  
推朕今九推庶九穀之報也遂進耕五十餘步盡壠乃  
止宋太宗端拱中親耕行三推禮有司奏禮畢帝顧侍  
臣曰朕志在勸農恨不終于千畝豈以三推為限乎遂  
耕數十步侍臣固請乃止高宗紹興親耕至九推國朝  
耕推之數如周法

穀種

周官內宰上春詔王后帥六宮之人生穡稌之種而獻之王先種後熟曰穡後種先熟曰稌必使后宮藏種者以其有繁育之祥也必生而獻之者示能育之使不傷敗且佐王耕事供祭祀也漢文帝種百穀萬斛為立藉田食宋文帝時后率六宮出穡稌之種付藉田令北齊於千畝內種赤梁白穀大豆赤黍小豆黑稭麻子大麥小麥隋以青箱播殖九穀唐廢其禮宋青箱之制以竹木為之而無蓋兩頭設臺襍飾以青色中分九隅隅設

一種覆以青綾夾帊其種用黍稷秬稻粱大豆小豆大麥小麥每色各三斗元制缺

### 籍田執事

唐皇帝夾侍二人正衣二人

並合以祀先農壇上行事及侍正衣充

中書

門下先奏侍中一人

奉耒耜進耕畢復受奏禮畢

中書令一人

侍禮

部尚書一人

侍從官已下並合便取祀先農壇上行事官充

司農卿一人

授耒耜於

侍中

右衛將軍一人

已上並侍耕

太尉司徒司空各一人行

五推禮九卿九人行九推禮諸侯三人行九推禮

已上並差

官攝禮儀使一人

贊導耕籍禮

太常卿一人

贊導耕籍禮已上官便合取祀

先農壇已上

宋親耕儀皇帝夾侍一人正衣二人

以壇上行

正衣侍中一人

中書令一人戶部尚書一人

並侍禮

儀使太常卿各一人

贊導以上官便合取壇上行事官充

司農卿二人

押耕根車并宿設耒耜及受耒耜於侍中侍耕一人奉耒耜耨種之種灋之

太僕卿一人

及執御耕牛

左右衛將軍各一人

並侍耕

太尉司徒司空各一

人諸王四人並行五推禮九卿九人諸侯三人並行九

推禮

以上並差官攝

三公諸王九卿諸侯執牛官各一人捧青

箱二人司農卿一人

帥庶人赴千畝

少卿一人

檢校庶人終千畝

郊社

令一人

助司農少卿檢校庶人終千畝

太常博士六人

贊導行禮

廩犧令二

人

一人奉御耒耜授司農卿一人掌御耒耜

諸王三公從者每人各三人九

卿諸侯從者每人各一人

並助耕

元不親耕至元中擬定

藉田儀皇帝夾侍二人尚衣二人侍中一人奉耒耜中

書令一人禮部尚書一人侍從司農一人受耒耜於侍

中太僕卿一人執牛左右衛將軍各一人侍衛三公以

宰輔攝九卿以左右僕射尚書御史大夫攝其諸侯以

正員一品官及嗣王攝禮儀使一人太常卿一人贊禮  
三公九卿諸侯執牛三十人用六品以下官通事舍人  
分導文武官就耕所太常帥其屬用庶人二十八以郊  
社令一人押之太常卿一人率庶人趨耕所博士六人  
分贊耕種禮司農少卿一人督視庶人終千畝廩犧令  
二人一人奉耒耜授司農卿一人掌耒耜主藉田縣令  
一人三公從者各三人九卿諸侯從者各一人以助耕

勞酒

周制耕藉畢反執爵於太寢三公九卿諸侯大夫皆御  
命曰勞酒勞酒謂既耕而宴以勞羣臣也大寢路寢御  
侍也周語虢文公曰耕畢膳夫陳享膳宰監之膳夫贊  
王王歆太牢班賞之庶人終食唐車駕還宮之明日設  
會於太極殿如元會之儀惟不賀不上壽宋雍熙禮車  
駕還宮後擇日大宴仁宗耕畢設勞酒於集英殿國朝  
耕畢皇帝置酒于大次從耕大臣咸預執事百官列坐  
幕外光祿徧行酒食耆老及村社樂藝皆霑賜焉

皇帝耕藉親享先農儀注

時日 太常司行移司天臺擇仲春吉日行事

齋戒 前期皇帝散齋三日致齋二日陪享官並齋五日

省牲 前祭二日設皇帝大次于外壇東門外南向省牲位于內壇東門之外南向前祭一日車駕出詣大次太常卿奏中嚴皇帝服皮弁服太常卿奏外辦導駕官同太常卿導引皇帝詣省牲位執事者各執乃事廩犧



令帥其屬牽牲自東出西過御前省訖牽詣神厨執事者取毛血實于豆太常卿奏請詣神厨導駕官同太常卿導引皇帝至神厨太常卿奏請視鼎鑊請視滌濯遂烹牲導駕官同太常卿導引皇帝還大次

陳設 前祭一日有司陳設如圖儀

鑾駕出宮鹵簿導從同圓丘祀天儀

正祭 祭日清晨太常少卿率執事者各實尊罍簋豆籩豆登俎又實幣于篚陳于酒尊所祝版置于正配神

位之右樂生舞生入就位太常卿奏請中嚴皇帝服袞  
冕太常卿奏外辨導駕官同太常卿導引皇帝自南門  
入至位北向立

迎神 贊禮唱迎神協律郎舉麾俯伏跪奏永和之曲  
三成樂止贊禮唱請行禮太常卿奏有司謹具請行事  
太常卿奏鞠躬拜興拜興平身皇帝鞠躬拜興拜興平  
身贊禮唱皇太子以下在位官皆再拜傳贊唱鞠躬拜  
興拜興平身皇太子以下皆鞠躬拜興拜興平身樂止

奠幣贊禮唱奠幣執事官捧幣各立於酒尊所太常  
卿奏請詣盥洗位導駕官同太常卿導引皇帝詣盥洗  
位太常卿贊盥曰前期齋戒今晨奉祭加其清潔以對  
神明太常卿奏搯圭皇帝搯圭司洗者捧盤進巾太常  
卿奏盥手帨手出圭皇帝盥手帨手出圭太常卿奏請  
升壇贊曰神明在上整肅威儀升自午陛太常卿奏請  
詣先農神位前司幣者捧幣以俟協律郎舉麾俯伏跪  
奏永和之曲導駕官同太常卿導引皇帝至神位前非

向立太常卿奏跪搢主皇帝跪搢主司香官舉香跪進于  
皇帝之左太常卿奏上香上香三上香皇帝上香上香  
三上香司幣者捧幣跪進于皇帝之右皇帝受幣奠于  
先農神位前太常卿奏出主鞠躬拜興拜興平身皇帝  
出主鞠躬拜興拜興平身太常卿奏請詣后稷神位前  
導駕官同太常卿導引皇帝至神位前東向立太常卿  
奏跪搢主皇帝跪搢主司香官捧香跪進于皇帝之左  
太常卿奏上香上香三上香皇帝上香上香三上香司

幣者捧幣跪進于皇帝之右皇帝受幣奠于后稷神位  
前太常卿奏出主鞠躬拜興拜興平身皇帝出主鞠躬  
拜興拜興平身太常卿奏復位導駕官同太常卿導引  
皇帝復位

進熟 贊禮唱進俎太常卿奏請升壇協律郎俯伏跪  
舉麾奏雍和之曲進俎官舉俎升壇導駕官同太常卿  
導引皇帝至先農神位前太常卿奏拵主皇帝拵主進  
俎官以俎進于皇帝之右皇帝以俎奠于先農神位前

卷十二  
太常卿奏出主請詣后稷神位前皇帝出主導駕官同  
太常卿導引皇帝至后稷神位前進俎官以俎進于皇  
帝之右太常卿奏搢圭皇帝搢圭以俎奠于后稷神位  
前太常卿奏出主皇帝出主太常卿奏復位導駕官同  
太常卿導引皇帝復位

初獻 贊禮唱行初獻禮太常卿奏行初獻禮請詣爵  
洗位導駕官同太常卿導引皇帝至爵洗位太常卿奏  
搢圭皇帝搢圭執爵官以爵進皇帝受爵滌爵拭爵以

爵授執爵官太常卿奏出主皇帝出主太常卿奏請詣  
酒尊所導駕官同太常卿導引皇帝升壇至酒尊所太  
常卿奏揖主皇帝揖主執爵官以爵進皇帝執爵司尊  
者舉罍酌醴齊皇帝以爵授執爵官太常卿奏出主請  
詣先農神位前皇帝出主至神位前協律郎俛伏跪舉  
麾奏壽和之曲武功之舞太常卿奏跪揖主皇帝跪揖主  
司香官捧香跪進于皇帝之右太常卿奏上香上香三  
上香皇帝上香上香三上香執爵官捧爵跪進于皇帝

之右皇帝受爵太常卿奏祭酒祭酒三祭酒奠爵皇帝

祭酒祭酒三祭酒奠爵

樂舞止

太常卿奏出主皇帝出

主讀祝官取祝版於神右跪讀訖

樂舞作

太常卿奏俯

伏興平身稍後鞠躬拜興拜興平身皇帝俯伏興平身

稍後鞠躬拜興拜興平身樂舞止太常卿奏請詣酒尊

所導駕官同太常卿導引皇帝至酒尊所執爵官以爵

進皇帝受爵司尊者舉罍酌醴齊皇帝以爵授執爵官

太常卿奏請詣后稷神位前導駕官同太常卿導引皇



帝至神位前太常卿奏跪搢圭皇帝跪搢圭司香官捧香跪進于皇帝之左太常卿奏上香上香三上香皇帝上香上香三上香執爵官捧爵跪進于皇帝之右皇帝受爵太常卿奏祭酒祭酒三祭酒奠爵皇帝祭酒祭酒三祭酒奠爵太常卿奏出圭皇帝出圭讀祝官取祝版於神位之右跪讀訖太常卿奏俯伏興平身稍後鞠躬拜興拜興平身皇帝俯伏興平身稍後鞠躬拜興平身太常卿奏請復位導駕官同太常卿導引皇帝復

位

亞獻 贊禮唱行亞獻禮太常卿奏行亞獻禮請詣爵  
洗位導駕官同太常卿導引皇帝至爵洗位太常卿奏  
搢圭皇帝搢圭執爵官以爵進皇帝受爵滌爵拭爵以  
爵授執爵官執爵官又以爵進皇帝受爵滌爵拭爵以  
爵授執爵官太常卿奏出圭皇帝出圭太常卿奏請詣  
酒尊所導駕官同太常卿導引皇帝升壇至酒尊所太  
常卿奏搢圭皇帝搢圭執爵官以爵進皇帝受爵司尊

者舉眾酌盞齊皇帝以爵授執爵官太常卿奏出主請  
詣先農神位前協律郎俯伏跪奏壽和之曲文德之舞  
導駕官同太常卿導引皇帝至神位前太常卿奏跪揖  
主皇帝跪揖主執爵官捧爵跪進于皇帝之右皇帝受  
爵太常卿奏祭酒祭酒三祭酒奠爵皇帝祭酒祭酒三  
祭酒奠爵太常卿奏出主俯伏興平身稍後鞠躬拜興  
拜興平身皇帝出主俯伏興平身稍後鞠躬拜興拜興  
平身樂無止太常卿奏請詣酒尊所導駕官同太常卿

導引皇帝至酒尊所執爵官以爵進皇帝受爵司尊者  
舉罇酌盞齊皇帝以爵授執爵官太常卿奏請詣后稷  
神位前樂舞作導駕官同太常卿導引皇帝至神位前  
太常卿奏跪搢圭皇帝跪搢圭司香官捧香跪進于皇  
帝之左太常卿奏上香上香三上香皇帝上香上香三  
上香執爵官捧爵跪進于皇帝之右皇帝受爵太常卿  
奏祭酒祭酒三祭酒奠爵皇帝祭酒祭酒三祭酒奠爵  
太常卿奏出圭俯伏興平身稍後鞠躬拜興拜興平身

皇帝出主俯伏興平身稍後鞠躬拜興拜興平身太常卿奏請復位導駕官同太常卿導引皇帝復位

終獻 贊禮唱行終獻禮並同亞獻儀

飲福 贊禮唱飲福受胙太常卿奏請詣飲福位導駕官同太常卿導引皇帝升壇至飲福位北向立太常卿奏鞠躬拜興拜興平身皇帝鞠躬拜興拜興平身太常卿奏跪搢主皇帝跪搢主捧爵官酌福酒跪進于皇帝之左贊曰惟此酒肴神之所與賜以福慶億兆同霑皇

帝受福酒祭酒飲福酒以爵置于地捧胙官捧胙跪進  
于皇帝之右皇帝受胙以胙授執事者執事者跪受胙  
于皇帝之右太常卿奏出主俯伏興平身稍後鞠躬拜  
興拜興平身皇帝出主俯伏興平身稍後鞠躬拜興拜  
興平身太常卿奏請復位導駕官同太常卿導引皇帝  
復位

徹豆 贊禮唱徹豆協律郎俯伏跪舉麾奏永和之曲  
掌祭官徹豆贊禮唱賜胙太常卿奏皇帝飲福受胙免

拜贊禮唱皇太子以下在位官皆再拜傳贊唱鞠躬拜  
興拜興平身皇太子以下皆鞠躬拜興拜興平身

送神 贊禮唱送神協律郎俯伏跪舉麾奏永和之曲

太常卿奏鞠躬拜興拜興平身皇帝鞠躬拜興拜興平  
身贊禮唱皇太子以下在位官皆再拜傳贊唱鞠躬拜  
興拜興平身皇太子以下皆鞠躬拜興拜興平身贊禮  
唱祝人取祝幣人取幣詣望座位讀祝官捧祝奉幣官  
捧幣掌祭官取饌及爵酒詣瘞次樂止

望瘞 贊禮唱望瘞太常卿奏請詣望瘞位協律郎俯  
伏跪舉麾奏泰和之曲導駕官同太常卿導引皇帝至  
望瘞位贊禮唱可瘞執事者以祝幣牲體酒饌置坎內  
填土至半太常卿奏請還大次皇帝還大次解嚴

耕藉 太常卿奏請詣耕藉位導駕官同太常卿導引  
皇帝至耕藉位南向立三公以下及從耕者各就耕位  
戶部尚書北面進耒耜導駕官同太常卿導引皇帝耒  
耒三推訖戶部尚書跪受耒太常卿奏請復位皇帝復




耕藉位南向坐三公五推尚書九卿九推訖各退就位  
太常卿奏禮畢導駕官同太常卿導引皇帝還大次華  
蓋侍衛如常儀應天府尹及兩縣令率庶人終畝是日  
宴勞百官者宿於壇旁鑾駕還宮鹵簿導從並如來儀  
大樂鼓吹振作


欽定四庫全書

國朝文獻  
卷十二


先農壇



# 先農陳設圖



耕籍圖



先農陳設圖

明集禮卷十二 三十四



配位同

樂圖

搏搏搏搏  
歌歌歌歌  
工工工工  
歌歌歌歌  
工工工工

協律郎

机

琴琴琴琴琴琴  
琴琴琴琴

鐘

笛笛簾簾塤塤

和笙和笙簫簫  
鳳笙鳳笙

應鼓

協律郎

歌

琴琴琴琴琴琴  
琴琴琴琴

磬

塤塤簾簾笛笛

和笙和笙簫簫  
鳳笙鳳笙

搏搏搏搏  
歌歌歌歌  
工工工工  
歌歌歌歌  
工工工工

舞圖

明集禮卷十二 二十六

引舞

十

生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武

引舞

生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文

引舞

十

生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武

引舞

生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文